



MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais a Mina Mader madertrans@bluewin.ch
- Il mas-chalch dess gnir pichà oura e distribui in lës publics. El po gnir retrat in seguints lës: büro da turissem, butia da Plaz, furnaria Benderer, bacharia Hatecke, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel mas-chalch vegnan ramassats da Mina Mader. Scha pussibel giavüschaina texts in fuorma digitala.

ARRANDSCHAMAINTS

Societats chi vöglan publicar arrandschamaints han seguintas pussibilitats:

- a) Mas-chalch da Sent : tenor infuormaziuns sülla prüma pagina
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:

www.engadin.com => "Allegra das Veranstaltungsmagazin" => Veranstaltungen erfassen
opür

<https://www.engadin.com/de/planen-buchen/allegra-veranstaltungsmagazin>

Quellas occurrenzas vegnan publicadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publicar lur occurrenzas ed infuormaziuns illas chaistas nairas pon manar avis in fuormat A4 pro Mina Mader adüna il marcurdi. Ils avis vegnan piazzats adüna la gövgia illas chaistas nairas.

SOCIETÀ D'ÜTIL PUBLIC – concerts illa baselgia da Sent - <https://sent-concerts.ch/konzerte>
Ingüna reservaziun da plazzas - la chascha es averta ün'ura avant il concert.

Sonda, als 31 mai 2025, a las 17:00, CHF 25.-

NOITE DO BRASIL

Sambas, Baiões, Forros e Xaxades

Introducziun : David Lampert da Guarda /Giarsun – drums

Quinteto Voz e Vento: Susanna Andres – violina e chant, Markus Kohler – saxofon, Mirella Quinto-Radielovic – clavazin, Emanuel Schnyder – bass, Friedemann Stert – drums

Ritemes brasilians, improvisaziuns e folclora

Sonda, als 8 gün 2025, a las 17:00, collecta

CONCERT DA TSCHINQUAISMA

Con Fuoco – ensemble da strichaders

Mischa Weiss – marimba

Id es tradiziun cha'l ensemble da giuvenils ConFuoco suna a Tschinquaisma a Sent – quista jada sco ConFuoco+

Mischa Weiss cuntribuischa al program cun sia marimba.

Tanter oter saran da dudir ouvas da Morricone, Janett, Bach Haydn...

Sonda, als 29 gün 2025, a las 17:00, CHF 25.-

MOLDAUER DUO : VIOLINE UND LAUTE

Lea Kilianova – violina

Jindřich Macek – lira

Da dudir sarà musica dal baroc european (Speer, Händel, Corelli, de Visée) ed ouvas modernas (tanter oter Cohen, Macek, Piazzolla, Williams). Ella es üna acrobata culla violina ed el il maister da la lira.

L'armonia da quists duos instrumaints impromettan ün evenimaint musical.

PER NOSSAS SENIORAS - PER NOSS SENIORS

Adüna il **lündeschdi**, a las **14.00 in Chasa Misoch**: Gimnastica per las duonnas, Pro Senectute, manadra Elisabeth Poo, tel. 081 864 18 20

Adüna il **marcurdi** a las **14.00 in Chasa Misoch**: Società da duonnas infuormaziun: Dorathea Stupan, tel. 081 864 04 75

GROTTA DA CULTURA – infuormaziuns detagliadas i'l Allegra e suot <http://www.grottadacultura.ch>

Galleria e bar-café / Galerie und Bar-Café

mardi e sonda / Dienstag und Samstag

17:00 -19:00

Sculpturas da Silvio Gallo

Las lavurs da Silvio Gallo naschan adüna in tschercha d'ün vaira sen da las ouvas e la transmissiun da quellas süll'orma umana. Forsa as cugnuscha a sai sves in ellas?

Las lavurs seguan adüna a la via da l'idea ed a la realisaziun manuala.

Pro incumbenzas per lavurs seguischa el strictamaing al tema e til realisescha in maniera chi's inclegia il minz da l'expressiun. In quista exposiziun vegnan muossats ogets our da differents temps d'actività.

Silvio Gallo lavura ed abita daspö il 2011 a Ramosch.

www.silviogallo.ch

L'exposiziun es averta la gövgia e la sonda, 17.00 - 19.00. Fin als 29 lügl 2025.

"Der Schaukler"

Prelecziun cun purtrets, da Selma Mahlkecht

Venderdi, 30 mai 2025 20.15 Grotta da cultura, Schigliana, collecta

100 ons istorgia contemporana, cumbinada cullas frescas da milla ons da St. Prokulus a Naturns, quintà plain tensiun ed in möd divertend cun agüd da la figüra principala, il pittur da decoraziun Hans. Da giuven gniva'l nomnà strupchè e vaglianögla. El passainta il temp da discordia da la populaziun dal Vnuost suot il regimaint dals fschists talians e dals nazis tudais-chs. Però Hans vezza eir co cha'l cumün as müda plan a plan e dvainta plü avert invers il muond.

Ün roman sur dal effet dals grond müdamaints d'ürant ün tschientiner in ün pitschen cumün illas Alps, e sur dals effets curativs da l'art.

Selma Mahlkecht dal Vnuost es ün'autura multifaria, dramaturga e chantautura. Ella viva a Zernez e discuorra tudais-ch, talian ed eir rumantsch. Cun seis hom, l'istoriker Kurt Gritsch, as preschainta ella eir sco cabarettista e chantadura.

www.selma-mahlkecht.info

The Elephant Love Song

Concert cun Luumu: "The Elephant Love Song"

Sonda, 21 gün 2025 20.15 Grotta da cultura, Piertan, 25.00 / 20.00

Luumu, quai sun istorgias accumpognadas da chanzuns. Ellas giovan üna tarabla sociocritica o üna critica als evenimaints mundials paquettada in clings magics. Ellas quintan istorgias our da la vita in möd fragil e melancolic. Il stil da Luumu nu's poja metter in ün chaschuot. Els collian pop da chombra cun elemaints lirics da jazz e cun indiefolk muonds da clings contemporans da la Scandinavia, cun regress fins sülla musica dals ons 60 e 70. La band culla cumponista, chantadura e pianista Adina Friis, bassist e zambriader da tuns Simon Iten, batterist Andy Schelker e violonist Gabriel Miranda exista daspö il 2012, intant cumpiglia il repertori da la band chanzuns inglaisas, tudais-ch svizras, danaisas, norvegiasas, svedaisas e francesas.

CORPORAZIUN EVANGELICA SENT

Cults divins

DUMENGIA, 8 GÜN

Cult divin da Tschinquaisma cun Soncha Tschaina

10.00, tudais-ch, rav. Monika Wilhelm

Orgel: Mario Inglese



Sent refuormà

DUMENGIA, 22 GÜN

Cult divin

10.45, tudais-ch, rav. Helmut Gossler

Orgel: Urs Wittwer



DUMENGIA, 29 GÜN

Eucharistiefeier, röm.-kath.

19.00, deutsch/rumantsch, Pfr. Chr. Willa

Orgel: Peder Vital

Adressa:

Barbla Buchli, Avant Baselgia 75, 7554 Sent, telefon 081 864 02 78, barbla.buchli@bluewin.ch, sent-reformiert.ch



SAVE THE DATE!

FESTA DALS ASENS

ILLA TENDA

21 - 06 - 2025

